

增修登州府志卷之八

龍亭

附公禮

登州府舊設治內靜貴堂東後移於府治東南佑德
觀更名萬壽宮

蓬萊縣設萬壽宮

黃縣設城內東嶽廟

福山縣設城內福聖寺

棲霞縣設城內延福寺

招遠縣舊設城東玉皇廟今移於書院內

增修登州府志

卷八

龍亭

萊陽縣設城內興國寺

寧海州舊設治內後移於州治西南清泉寺

文登縣設城內關帝廟

榮成縣設城內文昌廟

海陽縣設南門內萬壽宮

附公禮

萬壽節官率僚屬先一日習儀至日黎明具朝服於

龍亭前拜賀行三跪九叩禮元旦冬至同

恩詔官率僚屬生員設儀仗具朝服出郭跪迎導至

龍亭前行三跪九叩禮開讀如制

藉田雍正四年准議直省府州縣每歲仲春亥日官率僚屬耆老農夫祭先農之神於壇東擇地爲藉田照九卿例扶犁九推易朝服望

闕行三跪九叩禮

日月食官率僚屬素服於大堂前向日月行三跪九叩禮傳集僧道伐鼓救護跪候復圓易朝服行禮如初

立春先一日官率僚屬具儀仗鼓吹導句芒神土牛增修登州府志卷八龍亭二
迎春於東郊奏樂簪花次日屆時具公服拜芒神於署門外行鞭春禮鞭裂土牛亦謂之打春

霜降先一日武弁列隊伍吹角鳴礮迎霜於西郊次日昧爽祭旗纛於演武場振旅而還

鄉飲酒禮歲以正月望日十月朔日舉行於儒學講堂先一日陳設座次以地方正官爲主人位在東南以致仕年高爵尊者爲大賓位在西北其次爲僎來助主人樂賓者在東北次爲介賓位在西南次爲一賓二賓三賓位在大賓後學官爲司正

位在主後以鄉里年高有德者爲衆賓位在正西僚屬位在正東以生員贊禮讀律誥至日侵晨具饌主人先至速賓賓至主人率僚屬司正迎於庠門之外揖而入三揖及階三讓升堂再拜就席僎至亦如之司正揚觶由西階升堂北向立主賓皆立司正揖賓皆揖執事者以酒授司正司正舉酒讀制語曰恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄

增修登州府志

卷八

龍亭

三

友弟恭內睦宗族外和鄉里無或廢墜以忝所生讀畢司正飲酒以觶授執事復相揖復位主賓皆坐讀律令者北面立主賓以下皆拱立讀畢復位執事者獻饌酒三行主起北面立執事者酌酒以授主詣賓前獻爵於席再拜賓答拜主退復位賓起受爵酬主儀亦如之旣就坐執事者分左右立由介賓以下以次酌酒於席訖供羹三品畢徹饌僎主及僚屬居東賓及衆賓居西再拜以次下堂分東西行仍三揖送至庠門而退

賓興凡生員應試預日縣官具啟至期於大堂設筵以禮飲餞披紅簪花備儀仗綵旗率各官送於郊外中式者綵樂郊迎至

文廟行釋菜禮詣縣堂赴宴仍以綵樂送歸會試亦

如之而禮加隆副貢則次之

道光二十七年知府諸鎮督同蓬萊知縣

文增倡捐得錢千緡發商生息每逢鄉試以息錢分給諸生始猶演劇飲餞後以虛糜無益每科皆照實數均攤寒士深資賴焉各州縣亦多有存項詳各志

鄉射禮官集生徒習射於學宮之射圃今久廢

送學禮歲科試後縣官擇吉集入泮者於大堂飲酒

增修登州府志

卷八

龍亭

四

簪花率之赴學宮謁

先師拜本學師長